



PARLAMENTO NACIONAL DE TIMOR-LESTE
Comissão de Finanças Públicas

RELATÓRIO FISCALIZAÇÃO IHA MUNICÍPIO BOBONARO



25 a 26 de junho de 2019

SUMÁRIU

I. ENKUADRAMENTU LEGAL

II. OBJETIVO

III. KOMPOZISAUN

IV. PROGRAMA DURANTE FIZITA DE FISCALISAÇÃO

V. RESULTADO VISITA DE FISCALISAÇÃO

VI. RECOMENDAÇÃO

VII. ATIVIDADES DE FISCALISAÇÃO

VIII. APROVAÇÃO



PARLAMENTO NACIONAL DE TIMOR-LESTE
Comissão Finanças Públicas

RELATÓRIU FISKALIZASAUN IHA MUNICÍPIO BOBONARO

I. ENKUADRAMENTU LEGAL

Tuir Constituição RDTL artigu 95 n° 3 alinea e), no artigu 145 n° 3), nune'e mos Regimento Parlamento Nasional iha artigu 35 alinea c), fo kompetensia ba Deputados atu hala'o fiskalizasaun hodi apresia ba atividades Governo.

II. OBJETIVO

Bazeia ba artigu hirak ne'ebe refere iha leten, Comissão das Finanças Públicas, wainhira define atividades iha Plano Ação Anual inclui mos vizita ba Municípios ho karater fiscalização atu kontinua acompanha no fiskaliza execução OGE tinan kotuk lori kompara ho execução tinan corrente. Nune'e iha loron, 25 to'o 26 fulan junho tinan 2019, Comissão das Finanças Públicas visita Município Bobonaro atu hatene progresso no problema ne'ebe executivo sira hasoru wainhira implementa programa Governo tuir Plano Ação Anual ne'ebe Governo tinan-tinan apresenta ba PN hodi husu aprovação.

III. COMPOSIÇÃO

Membros Comissão das Finanças Públicas ne'ebe visita Município Bobonaro iha loron 25 no 26 fulan junho tinan 2019 mak Deputados nain sia (9) acompanhados husi técnico nain rua hanesan tuir mai ne'e:

1. Deputada Maria Fernanda Lay : Presidente e Chefe Delegação
2. Deputada Rosalina Ximenes : Vice-presidente e Membro

- | | |
|--|---|
| 3. Deputado António M. N. Amaral Tilman | : Secretário e Membro |
| 4. Deputado Silvino Adolfo Morais | : Membro |
| 5. Deputada Maria Angélica R. da Cruz dos Reis | : Membro |
| 6. Deputada Nélia Soares Menezes | : Membro |
| 7. Deputado Duarte Nunes | : Membro |
| 8. Deputada Maria Terezinha Viegas | : Membro |
| 9. Deputada Maria Angelina Lopes Sarmiento | : Membro |
| 10. Deputada Noemia Siqueira | : Membro (la partisipia maibe iha justificação tanba condição kareta ne'ebe la permiti) |
| 11. Afonso Cassiano Ramos | : Técnico |
| 12. Aires Cabral | : Técnico |

IV. PROGRAMA DURANTE VISITA DE FISCALIZAÇÃO

Iha loron 25 no 26 fulan junho tinan 2019, komisaun C realiza audiensia de fiscalização ho Presidente autoridade município Bobonaro, Administrador do Posto Administrativos, Diretores linhas ministeriais no haré kona ba barragem iha Saniri-Balibo.

V. RESULTADO VISITA DE FISCALIZAÇÃO

A. Audiencia

- **Presidente da Autoridade do Município de Bobonaro;** ható bem vindo ba Presidente da Comissão das Finanças Públicas ho comitiva no agradece ba visita de reunião fiskalizasaun ne'e, tanba rona direita kona ba processo de execução do orçamento estado iha município Bobonaro iha tinan 2018 no 2019. Iha audiência ne'e mos marca presença husi Administradores dos Postos Administrativos no Diretor husi linhas ministeriais. Município implementa sistema free balance desde tinan 2016 ne'ebe orçamento aloca diretamente ba conta município nian, maka servisu municipais hamutuk ho Autoridade Municipal hodi ezececuta tuir ida-idak ninia plano de ação.
- **Presidente da Comissão:** halo introdusaun kona ba objetivo vizita Comissão Finanças Públicas iha Município Bobonaro hodi haré kona ba execução orçamento estado ne'ebe aloca mai iha município Bobonaro, nudar knar komisaun C nian, mai hare'e no rona direita executores iha município kona ba execução orçamento iha tinan 2018 no primeiro trimestre tinan 2019, nomos haré kona ba execução PNDS nia ho ninia dificuldades ka dezafius ne'be hasoru. Kona ba infraestruturas Comissão C sei haré trossu balun ne'ebe financia ho osan imprestimo.
- **Diretor das Finanças Municipal:** alocação orçamento mai iha município Bobonaro mak hanesan tuir mai:
 1. **Orçamento ba tinan 2017**

Orçamento ne'ebe mak aloca iha Município Bobonaro hamutuk \$ **3,616,858.00** dólares ho nia alocação no execução mak hanesan tuir mai ne'e:

 - 1) Orçamento ba secretariado município hamutuk \$ 1,180,200 dólares, ho nia execução \$ 961,824.03 dólares, ne'ebe atingi 81.50%;
 - 2) Orçamento ba servisu saúde municipal hamutuk \$ 288,674 dólares, ho nia execução \$ 96,982 dólares, ne'ebe atingi 33.60%;
 - 3) Orçamento ba servisu edukasaun municipal hamutuk \$ 1,365,054 dólares, ho nia execução \$ 1,227,089.78 dólares, ne'ebe atingi 89.89%;
 - 4) Orçamento ba servisu agrikultura municipal hamtuk \$ 504,500 dólares, ho nia execução \$ 494,890.78 dólares, ne'ebe atingi 98.10%;
 - 5) Orçamentu ba obras públicas e transportes hamutuk \$ 80,843 dólares, ho nia execução \$ 72,050.13 dólares, ne'ebe atingi ona 89.12%;

- 6) Orçamento ba água e sanemaneto municipal hamutuk \$ 122,263 dólares, ho nia execução \$ 115,905.15 dólares, ne'ebe atingi ona 94.80%;
- 7) Orçamento ba Gestão mercado municipal hamutuk \$ 6,250 dólares, ho nia execução \$ 6,250 dólares, ne'ebe atingi 100%;
- 8) Orçamento ba registo notariado e cadastral municipal hamutuk \$ 10,836 dólares, ho nia execução \$ 2,355 dólares, ne'ebe atingi 21.73%;
- 9) Orçamento ba Assaun Social municipal hamutuk \$ 58,238 dólares, ho nia execução \$ 37,822 dólares ne'ebe atingi 64.94%.

Total orçamento ne'ebe ezejuta ona iha tinan 2017 hamutuk \$ 3,015,168.86 dólares, ne'ebe atingi ona 83.36%.

2. Orçamento ba tinan 2018

Orçamento ne'ebe aloca mai iha município **Bobonaro** ho total hamutuk \$ **3,568,786** dólares, ho nia alocação ba servisu municipais mak hanesan tuir mai:

- 1) Orçamento ba secretariado município hamutuk \$ 1,517,165 dólares ho nia execução \$ 1,283,488.68 dólares ho 84.60%;
- 2) Orçamento ba servisu saúde municipal hamutuk \$ 324,454 dólares ho nia execução \$ 250,459.97 dólares ho 77.19%;
- 3) Orçamento ba servisu educação municipal hamutuk \$ 796,419 dólares nia execução \$ 498,531.13 dólares ho 62.60%;
- 4) Orçamento ba servisu agrikultura municipal hamutuk \$ 512,092 dólares nia execução \$ 494,983.56 dólares ho 96.66%;
- 5) Orçamento ba servisu obras públicas e transportes hamutuk \$ 99,000.00 dólares no nia execução \$ 83,068.19 dólares ho 83.91%;
- 6) Orçamento ba servisu água, sanemaneto bazico e ambiente municipal hamutuk \$ 171,796 dólares no nia execução \$ 135,867.46 dólares ho 79.09%;
- 7) Orçamento ba servisu gestão mercado e turismo municipal hamutuk \$ 10,000 dólares no execução \$ 5,203.75 dólares ho 52.04%;
- 8) Orçamento ba servisu registo notariado e cadastrais municipal hamutuk \$ 43,920 dólares no nia execução \$ 36,779 dólares ho 83.74%;
- 9) Orçamento ba servisu asaun social e gestão desastre naturais municipal hamutuk \$ 93,940 dólares no nia execução \$ 55,543.25 dólares ho 59.13%.

Total execução hamutuk \$ 2,843,924.99 dólares ne'ebe atingi 79.07%.

3. Orçamento ba tinan 2019

Iha tinan 2019 orçamento ne'ebe aloca mai iha município Bobonaro ho total hamutuk \$ **4,109,587** dólares, autoridade município Bobonaro iha nia categoria orçamento ne'e tuir lolos lima maibe normalmente mai iha categoria hat mak:

1. Salario e vencimento \$ 1,438,412 dólares;
2. Bens e serviço \$ 2,066,839 dólares;
3. Capital menor \$ 10,270 dólares;
4. Transferência pública \$ 594,066 dólares.

Orçamento ba merenda escolar tama iha bens serviços, tanba ne'e alocação orçamento ba iha bens serviços hamutuk 50%, transferência pública 15%, salario e vencimento 35% no capital menor 0,0%. Serviço autoridade município Bobonaro iha servisu municipal sia (9) ne'ebe mak tuir decreto-lei número 3/2016, de 16 de março altera ba número 9/2018, de 9 de abril, ne'ebe iha servisu municipal walu (8) inklui secretariado rasik. Husi orçamento ne'ebe alocado ba servisu municipal mak hanesan tuir mai:

1. Orçamento ba Secretariado autoridade município hamutuk \$ 1,610,831 dólares no executa ona \$ 621,216.6 mil dólares ho 38.56%;
2. Orçamento ba servisu saúde municipal hamutuk \$ 322,332 dólares no executa ona \$ 83,132.95 dólares ho 25.79%;
3. Orçamento ba servisu edukasaun municipal hamutuk \$ 1,305,310 dólares no executa ona \$ 606,355.3 dólares ho 46.45%;
4. Orçamento ba servisu agrikultura municipal hamutuk \$ 514,016 dólares no executa ona \$ 169,826.7 dólares ho 33.04%;
5. Orçamento ba servisu obras publicas e transportes hamutuk \$ 87,776 dólares no executa ona \$ 14,680.30 dólares ho 16.72%;
6. Orçamento ba servisu água, sanemaneto bazico e ambiente municipal hamutuk \$ 133,238 dólares no executa ona \$ 18,984 dólares ho 14.25%;
7. Orçamento ba servisu gestão mercado e turismo municipal hamutuk \$ 17,252 dólares no executa ona \$ 2,230 dólares ho 12.93%, tanba husi Ministério destaca ema nain rua deit entaun ninia servisu limitado;
8. Orçamento ba servisu registo notariado e cadastrais municipail hamutuk \$ 34,326 dólares ho execução zero;
9. Orçamento ba servisu asaun social e gestão desastre naturais municipal hamutuk \$ 84,506 dólares nebe executa ona \$ 5,368 dólares ho 6.35%.

Total execução husi janeiro to'o mai loron 25 junho tinan 2019, hamutuk \$ 1,521,793.99 dólares ho 37.03%.

Kona ba bens e serviços; osan ba viagem lokal \$ 116,000 mil dólares, viagem estrangeiro \$ 39,000 mil dólares, formação profissional \$ 51,000 mil dólares, ne'e atu coresponde kona ba decreto-lei assembleia posto administrativo tanba iha mos conselho coordenação ne'ebe composição ne'e mai husi diretores servisu sira, administrador do posto no representante cada suco. Iha mos conselho consultivo ne'ebe mak nia knar atu aprova plano ação no halo avaliação ba plano anual ne'ebe implementa hela tanba ne'e mak iha nia montante \$ 51,000 mil dólares. Custos ba cargos diretores no manutenção iha \$ 131,000 mil dólares maibe bele iha mudança tanba presu kleur ona, folin mina iha 0,99 centemos maibe folin mina real iha município Bobonaro \$ 1,20 centavos dólares, tanba ne'e presiza halo avaliaun ba cost templete, aluga kareta no selu pessoal ne'ebe halo limpeza iha município Bobonaro, material ne'ebe fornece ba escritório município \$ 51,000 mil dólares, operacional iha \$ 49,000 mil dólares no combustivel ba jerador \$ 1,200.00 dólares ne'e ba servisu SAS.

Manutenção ba edifício hanesan reabilitação, troka vidros \$ 74,000 mil dólares, ne'e ba servisu municipal hotu. Assitencia técnica liu-liu funcionários casuais no orçamento ba outros serviços diversos ne'e \$ 1 milhão dólares tanba hamutuk ho merenda escolar nebe ho \$ 900 mil e tal dólares.

Tranferencias públicas: ne'ebe selu ba líder comunitários baseia ba diploma conjunta 40/2016 ne'ebe sira hetan senhas prezensa ho membros seluk ne'e tinan ida dala rua ne'ebe ho nia montante \$ 45,00 dólares, aloca mos osan ba administração do suco nebe composição depende ba numero de aldeia.

Merenda escolar: tinan ida ne'e (2019) merenda escolar ba pre-escolar ho 1.721 alunos ho osan 0,25 centavos por dia cada ema ida, merenda escolar ba ensino bazico central ho total alunos 27,903 ho nia osan \$ 846,656 dólares, alende ida ne'e iha grupu fornecedor husi inan feton sira ba alunos.

Sistema Free balance: equipa ne'ebe halo opreasaun ba sistema Free balance ne'e hamutuk ema nain lima (5) mak husi aprovisionamento ema nain rua (2) no finanças ema nain tolu (3), ne'ebe difícil hodi cobre hotu ba sistema ida ne'e. Tanba tuir regras ne'e ema ida tenke haré assunto ida maibe realidade servisu ema ida haré assunto lubuk ida. Kona ba osan resto ne'e iha sistema free balance laiha cash, ne'ebe osan iha número sub alocação tanba ne'e atu aloka ba sub alocação tenke município halo reconciliação.

Difikuldade: número de funcionário limitado, tanba iha tinan kotuk prevê ona osan por volta de \$ 130 mil dólares para halo recrutamento funcionário hodi nune bele prienche kriteria, tanba iha cargo de chefia lubuk ida maibe ema atu assumi cargo chefia hirak ne'e sidauk iha. Iha finanças tuir lei, departamento tolu maibe realidade iha departamento ida deit hodi halao nia knar, tanba sidauk iha base legal ida hodi halao nia knar

hanesan chefe departamento. Tanba ne'e ami preve hela orçamento ba salário e vencimento ba tinan oin, ida ne'e halo kalkulasaun deit, tanba karik iha promosaun cargo por mérito iha tinan oin, ne'ebe conforme política Governo central tanba tutela ba MAEOT.

Diretor Obras Públicas: Projeto estrada husi Loes to'o Mota-Ain ne'e usa osan empréstimo nia maibe município la hatene kona ba processo ida ne'e, maibe projeto ida ne'e husi PMU mak hatene diak liu ninia processo.

Diretor Agrikultura: iha posto administrativo Maliana sistema irigasaun rua mak Maliana um (1) no Maliana (2), irigasaun Maliana um (1) iha parte Maliana vila ne'ebe cobre 1.050 hektares no Maliana dois (2) iha parte fronteira cobre 2.000 hektares. Estimisaun produção háre iha Município Bobonaro atingi 3,3 toneladas por hektar ne'ebe to'o ona 12.000 toneladas liu, batar atingi ona 3.8 toneladas por hektar nia total produção 13.000 mil toneladas liu. Dadus ne'e sei harmoniza hodi haruka ba iha nível nacional.

Kona ba apoiu doadores nian hanesan JICA ho programa ida ne'ebe promove mak fos local, sira apoiu Associação agricultor iha Maliana ne'ebe haré liu ba mercado fos nia, ne'ebe halo ona kontrato ho restaurante balun iha capital Díli no iha Maliana rasik.

Associação husi grupo Maliana um (1) ne'e husi parte JICA fo ona capacitação ba sira kona ba gestão bé maibe nafatin sei iha problema tanba ponte bé Maliana um ameasado inklui ninia cano no geit sira ne'e a'at hotu. Konstrusaun ne'e halao husi Governo Japão liu husi JICA iha tinan 2009 ho orçamento 6 milhões dólares norte-americanos no entrega mos iha tinan 2009. Kona ba plano desenho no BOQ husi diresaun nacional irigasaun e gestão de água prepara ona maibe problema mak orçamento.

Kona ba irigasaun Maliana dois (2) ninia sistema distribuisaun ne'e sei antigo tempu Indonesia nia, questão ne'e husi município informa ona ba nacional maibe sidauk hadia, tanba ne'e ami husu Governo central para halo intervensaun iha tinan oin hodi nune'e agricultor sira bele hetan aproveitamento.

Tratores halai natar uluk iha 32 unidades mai iha município Bobonaro, maibe oito (8) unidades tama ona ba iha processo lelão, seluk sei iha condição diak hela maibe precisa manutenção tanba município iha capacidade ba manutenção kiik ho montante \$ 2.000 mil dólares ba tinan ida, maibe manutenção bo'ot sei centraliza. Kona ba força de trabalho hamutuk 143 (agentes, mecânico no estencionista sira, assistentes pequaria, veterinario no guarda floresta sira).

Promosaun ba produto local tinan ida ne'e (2019) iha CLN hamutuk 580 toneladas ne'ebe orçamento alocado para sosa iha município Bobonaro, ne'ebe JICA no CLN hola tiha ona kuaze 300 toneladas háre ho nia contrato 0.40 centavos por kg, maibe processo atu sai fos ne'e competência MCIÁ nia. Dadus provisório tinan ida ne'e ba háre nian 3.3 toneladas por hektar, ne'ebe iha 24.575 toneladas háre kulit, batar 12.601 toneladas. Maibe háre tonelada ida hetan fos 650 karon.

Ponto vocal PNDS: Programa PNDS implementa faseadamente nebe agora tama ona ba faze pre-seclu dois mak cobre posto tolu (Atabae, Lolotoe no Maliana) ne'ebe posto Atabae suco hat (4), posto Lolotoe suco hitu (7), posto Maliana suco hitu (7), ne'ebe hamutuk suco sanolu resin walu (18), cada suco lao ho projeto ida-idak. Orçamento ne'ebe aloca ba fundo infraestrutura iha tinan 2019 hamutuk \$ 756,502.84 dólares mak hanesan:

1) Posto administrativo Atabae aloca ho orçamento \$ 157,887.50 dolares no aloca ba sucos mak hanesan:

1. Suco Aidabaleten \$ 45,475.00 dólares;
2. Suco Atabae \$ 33,575.00 dólares;
3. Suco Hataz \$ 37,612.50 dólares;
4. Suco Rairobo \$ 41,225.00 dólares.

2) Posto administrativo Lolotoe, aloca ho orçamento \$ 288,575.00 dólares no aloca ba sucos mak hanesan:

1. Suco Deudet \$ 41,225.00 dólares;
2. Suco Gildapil \$ 41,225.00 dólares;
3. Suco Guda \$ 41,225.00 dólares;
4. Suco Lebos \$ 41,225.00 dólares;
5. Suco Lontas \$ 41,225.00 dólares;
6. Suco Lupal \$ 41,225.00 dólares;
7. Suco Opa \$ 41,225.00 dólares.

3) Posto administrativo Maliana, aloca ho orçamento 256,487.50 dólares norte-americanos, ne'ebe aloca ba sucos mak hanesan:

1. Suco Holsa \$ 37,825.00 dólares;
2. Suco Lahomea \$ 37,825.00 dólares;
3. Suco Odomau \$ 37,825.00 dólares;
4. Suco Raifun \$ 33,787.50 dólares;

5. Suco Ritabou \$ 37,825.00 dólares;
6. Suco Saburai \$ 37,612.50 dólares;
7. Suco Tapó/Memo \$ 33,787.50 dólares.

Projeto husi sanolu resin walu (18) ne'e ida mak estrada ne'ebe ninia pacote mak halo bareira satan rai monu no drainagen. Projeto hat (4) seluk mak:

- 1) Bé-mos ba suco Raifu;
- 2) Irigasauan ba suco Lahomea;
- 3) Residência ba pessoal saúde iha suco Saburai;
- 4) Edifício ba pre-escolar iha suco Deudet posto Lolotoe.

Total fundos ne'ebe alocado ona ba projeto sanolu resin walu (18) kada suku iha município Bobonaro tomak mak hamutuk \$ 702,950.00 dólares no osan restu ne'ebe sei iha conta bancaria mak hamutuk \$ 53,552.84 dólares. Processo implementasaun ba projeto ne'e foin hahú prepara desenho no BOQ tanba ne'e semana ida tan tama ona iha processo aprovisionamento.

Osan restu PNDS nian sempre hare ba nia tempu limitasaun maibe tempu sei iha mak osan ne'ebe resto sei kontinua ezekuta ba projeto ne'ebe lao hela, maibe projeto hotu no osan ne'e sei iha mak devolve fali ba conta bancaria suku nia tanba iha ona matadalan foun PNDS nia katak osan restu PNDS bele uja hodi halo manutensaun ba projeto anterior.

PNDS iha nia regulamentu no mata dalan rasik ne'ebe mak limita ba comunidade hili prioridade rasik iha suku. Prioridade ne'ebe sira agora hili ne'e mos emergencia maibe la ses husi programa PNDS nian, no to'o agora PNDS sidauk preve nia mata dalan kona ba turismo nian, karik ba oin prevê, maka PNDS mos sei haré, tanba seidauk iha recurso atu gere iha área turismo, capacidade financeira mos ki'ik tanba aloka orçamento mai iha PNDS município Bobonaro \$ 50.000 dólares.

Kona ba processo kontrola ne'e PNDS fahe nia funcionário iha oin tolu mak hanesan:

- 1) Tekniku ida, ne'ebe hare kona ba projeto fiziku, dezenho BOQ no kontrola qualidade projeto;
- 2) Pessoal iha área Social, nebe hare kona ba problema comunidade nian no wainhira mosu iha terreno, bele halo diálogo hodi resolve;
- 3) Finanças, hare kona ba gestão ba orçamento.

Obstaklu nebe PNDS hasoru: manutensaun ba transporte operacional sei centraliza iha Nacional, no motorizadas ne'ebe fo ba tékniku PNDS ninia durasaun tinan ne'en (6) ona ne'ebe kondisaun ladiak entaun

dificulta ba tekniku hodi halao monitorizasaun ba implementasaun dos projetos iha terreno.

Presidente Autoridade Município de Bobonaro: eletresidade iha município Bobonaro, suco sanolu (10) mak sidauk hetan, suku rua iha fronteira mak Saburai no Cová, tuir plano ministério, katak tinan oin mak sei plano hodi implementa iha suku rua ne'e, no tuir mai suku walu (8) seluk depois mak impelementa. Kuaze iha Bobonaro prepago hotu maibe receitas ne'e ba diretamente iha Governo central.

Administrador Posto Administrativo Kailaku: posto administrativo Kailaku hamutuk suku walu (8) ne'ebe suku ida (1) deit mak hetan eletricidade maibe suco hitu (7) seidauk. Tanba ne'e população husu beibeik maibe seidauk halo instalação, comunidade ne'ebe hetan acesso ba eletricidade, sira usa ona prepago maibe autoridade lahatene osan hira mak sira selu. Kona ba receitas husi posto Kailaku iha nia recurso hanesan rai henek ne'ebe kuaze construção iha Bobonaro uza hotu, tanba ne'e ami recomenda ba Parlamento Nacional no Governo hodi haré kona ba lei nebe regula no protege recursos naturais.

Diretor Alfandega: alfandega Bobonaro kontrola unidade rua, maka hanesan: Maliana no Batugade. Receitas iha Batugade iha tinan 2018 hamutuk \$ 1,079,150.05 dólares. Receitas iha unidade Maliana atu sai diak liu mak ita tenke iha hanoin ida hodi desenvolve posto definitivo controlo iha Maliana atu bele evita mercados ilegais hodi nune'e receita bele sae, tanba iha tinan 2018 posto Maliana hetan 4 mil dólares norte-americanos. Iha fulan agosto tinan 2018 la halo cobrança iha posto Maliana tanba defini uluk lai posto definitivo controlo, tanba iha aumento falsifikasaun doze carimbo no blanco BNU, maibe alfandega no transportes la iha conhecimento e lahatene se mak halo, maibe problema ida ne'e investigasaun iha nacional lao dadauk ona hodi nune'e bele deteta autor sira. Atu evita ida ne'e mak kria sistema rua mak sistema acikuda pluss no sistema acikuda word, maibe sistema acikuda pluss so Maliana deit mak asesu tanba ne'e ami halo proposta ba nacional foin mak loke sistema acikuda word, tanba sistema ne'e ema bele asesu hodi hatene receitas ne'e lolos iha fatin nebe deit para evita polemika kona ba receitas.

VI. REKOMENDASAUN

1. Hato'o ba Governo hodi halo descongelamento ba recrutamento funcionários iha município, hodi bele haré tuir background no loke vaga tuir necessidade iha município, atu nune'e bele responde ba questão recursos humanos iha linha ministeriais município nian;
2. Hato'o ba Governo liu-liu ministério agrikultura hodi resolve lalais kona ba manutenção ba tratores, hodi facilita agricultores halao ninia atividades (fila rai), tanba município iha deit capacidade ba manutenção kiik ho osan \$ 2,000.00 mil dólares ba tinan ida, no trator unidade walo (8) tama ona ba iha processo leilão, no hadia mos irigasaun I no II Maliana nian, para fornece bé ba natar agricultores

nian hodi halao servisu;

3. Husu mos ba Governo liu-liu ministério competente hodi toma atenção ba manutensaun transporte operacional PNDS nian iha município Bobonaro hodi nune'e tékniku sira bele halao sira nia servisu monitorizasaun ba projetos iha área remotas;
4. Husu ba Governo atu resolve kona ba posto integrado definitivo iha Tunubibi tanba desenho no BOQ haruka ona mai iha ministério competente hodi nune'e assegura mercado fronteira, hodi hetan receitas ba estado, nomos ministério competente acelera kona ba investigasaun ba falsificação documentos iha fronteira iha parte alfândega no transportes.
5. Comissão C fó apreciação ba Presidente Autoridade Município Bobonaro ho nia equipa tomak, ba nia apresentação durante audiência fiscalização, no recomenda atu município refere bele sai referencia ba municípios seluk atu halo estudo comparativo em vez de sai ba estrangeiro.

VII. Atividade



Reunião Deputados da Comissão com Presidente da Autoridade do Município de Bobonaro e Diretores da linha Ministeriais.

VIII. APROVAÇÃO

Relatório ne'e hetan aprovação iha sala Comissão das Finanças Públicas, iha lora 24 de janeiro de 2019
ho votus á favor 7 kontra 0 no abstenção 0.

Relatora,

Deputada Maria Terezinha Viegas

Presidente da Comissão de Finanças Públicas

Deputada Maria Fernanda Lay